



**PEKELILING PENTADBIRAN
BILANGAN 20 TAHUN 2019**

**BANTUAN KHAS KEWANGAN TAHUN 2019
DENGAN PINDAAN
DI UNIVERSITI TEKNIKAL MALAYSIA MELAKA**

Pejabat Pendaftar
24 Mei 2019 | 19 Ramadan 1440H

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri dan Masyarakat)
Penolong Naib Canselor (Pembangunan dan Pengurusan Fasiliti)
Pegawai-Pegawai Kanan

UNIVERSITI TEKNIKAL MALAYSIA MELAKA

UTeM.02.14.02/100-3/2/1 JLD. 2 (10)

24 MEI 2019
19 RAMADAN 1440H

PEKELILING PENTADBIRAN BIL. 20/2019

BANTUAN KHAS KEWANGAN TAHUN 2019 DENGAN PINDAAN DI UNIVERSITI TEKNIKAL MALAYSIA MELAKA

1.0 TUJUAN

- 1.0 Pekeliling Pentadbiran ini bertujuan untuk memaklumkan kepada pengetahuan semua staf Universiti Teknikal Malaysia Melaka (UTeM) mengenai pemakaian Pekeliling Perkhidmatan Bilangan 3 Tahun 2019 “Bantuan Khas Kewangan Tahun 2019” dengan pindaan di Universiti Teknikal Malaysia Melaka.

2.0 LATAR BELAKANG

- 2.1 Kerajaan telah membuat keputusan supaya Bantuan Khas Kewangan Tahun 2019 (BKKT 2019) sempena Hari Raya Aidilfitri tahun 2019 diberi kepada pegawai Perkhidmatan Awam Persekutuan di Gred 56 dan ke bawah sebanyak RM 450.00 dan turut dipanjangkan kepada pesara Kerajaan yang menerima pencen sebanyak RM 225.00.
- 2.2 Pekeliling Pentadbiran ini adalah bagi maksud menjelaskan mengenai kaedah pelaksanaan Bantuan Khas Kewangan Tahun 2019 (BKKT 2019).

3.0 PELAKSANAAN

- 3.1 Bayaran BKKT 2019 sebanyak RM450.00 diberi kepada semua pegawai Perkhidmatan Awam Persekutuan di Gred 56¹ dan ke bawah

¹ Pegawai di Gred 56 atau setara. Tidak termasuk pegawai yang sedang memegangku di Gred Utama/Khas

dengan syarat bahawa staf masih berkhidmat sehingga 24 Mei 2019 dan berada dalam perkhidmatan sekurang-kurangnya 30 hari berturut-turut dalam tempoh 01 Januari 2019 hingga 24 Mei 2019.

- 3.2 Tempoh 30 hari berturut-turut adalah termasuk semua jenis cuti bergaji penuh, semua jenis cuti separuh gaji, semua jenis cuti tanpa gaji, Hari Rehat Mingguan, Hari Kelepasan Mingguan dan Hari Kelepasan Am dalam tempoh 01 Januari 2019 hingga 24 Mei 2019.

4.0 STAF YANG LAYAK

- 4.1 Tertakluk kepada perenggan 3.1 dan 3.2 di atas, staf Universiti yang layak dibayar BKKT 2019 adalah seperti berikut:-

- 4.1.1 staf lantikan tetap, sementara, *contract of service*;²
- 4.1.2 staf yang bercuti bergaji penuh;
- 4.1.3 staf yang bercuti separuh gaji;
- 4.1.4 staf yang bercuti tanpa gaji; dan
- 4.1.5 staf yang dipinjamkan termasuk ke agensi yang diasingkan pengurusan saraannya. Bantuan Khas ini akan dibayar oleh agensi yang menerima peminjaman pegawai.

5.0 STAF YANG TIDAK LAYAK

- 5.1 Staf yang tidak layak diberi BKKT 2019 adalah:-

- 5.1.1 staf yang dikenakan hukuman tatatertib dalam tempoh 1 Januari 2019 hingga 24 Mei 2019;
- 5.1.2 staf yang ditamatkan perkhidmatan demi kepentingan awam dalam tempoh 01 Januari 2019 hingga 24 Mei 2019;
- 5.1.3 staf yang meletak jawatan dalam tempoh 01 Januari 2019 hingga 24 Mei 2019.

² Bagi pegawai di bawah *contract for service*, surat edaran berasingan akan dikeluarkan oleh Kementerian Kewangan

6.0 STAF YANG DITANGGUHKAN BANTUAN KHAS KEWANGAN

- 6.1 Staf yang ditahan kerja, digantung kerja atau surat pertuduhan telah dikeluarkan oleh Jawatankuasa Tatatertib Universiti ditangguhkan BKKT 2019 ini. Staf hanya layak diberi BKKT 2019 sekiranya Jawatankuasa Tatatertib mendapati staf tersebut tidak bersalah.

7.0 PEKERJA SAMBILAN HARIAN (PSH)

- 7.1 BKKT 2019 sebanyak RM450.00 dipanjangkan kepada Pekerja Sambilan Harian (PSH) yang masih berkhidmat pada 24 Mei 2019 dengan syarat tempoh kontraknya telah berkuat kuasa sekurang-kurangnya 30 hari berturut-turut dalam tempoh 01 Januari 2019 hingga 24 Mei 2019.

8.0 PESARA

- 8.1 BKKT 2019 kepada pesara Kerajaan yang telah menerima pensen dan penerima pensen terbitan pada atau sebelum 24 Mei 2019 di bawah undang-undang pensen akan dibayar sebanyak RM225.00 oleh Jabatan Perkhidmatan Awam (JPA).
- 8.2 Pesara yang dilantik semula secara *contract of service* (COS) dan masih berkhidmat pada 24 Mei 2019 layak diberi BKKT 2019 sebanyak RM450.00 tertakluk memenuhi syarat berkhidmat sekurang-kurangnya 30 hari berturut-turut dalam tempoh 01 Januari 2019 hingga 24 Mei 2019. Pembayaran sebanyak RM225.00 akan dibuat oleh JPA dan bakinya sebanyak RM225.00 akan dibayar oleh UTeM.

9.0 STAF MENINGGAL DUNIA DALAM PERKHIDMATAN

- 9.1 Staf yang meninggal dunia pada 24 Mei 2019 layak diberi BKKT 2019 sebanyak RM450.00 dengan syarat staf telah berada dalam perkhidmatan sekurang-kurangnya 30 hari berturut-turut dalam tempoh 01 Januari 2019 hingga 24 Mei 2019.

- 9.2 Pembayaran kepada mana-mana penerima pencen terbitan yang layak di bawah undang-undang pencen sebanyak RM225.00 akan dibuat oleh Jabatan Perkhidmatan Awam dan bakinya sebanyak RM225.00 akan dibayar oleh UTeM.

10.0 TARIKH PEMBAYARAN

- 10.1 Bantuan Khas Kewangan Tahun 2019 ini akan dibayar pada **27 Mei 2019**.

11.0 TANGGUNGJAWAB PEMBAYARAN

- 11.1 Pembayaran BKKT 2019 ini adalah menjadi tanggungan Universiti di mana staf berkhidmat pada tarikh pembayaran.

12.0 TARIKH KUAT KUASA

- 12.1 Pekeliling Pentadbiran ini berkuat kuasa mulai tarikh ia dikeluarkan.

Sekian, terima kasih.

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT

Ketua Pegawai Operasi

Universiti Teknikal Malaysia Melaka

sya/uddp/bgpo

